



ЖОҒАРЫ БІЛІМ БЕРУДІ ДАМУ
ҰЛТТЫҚ ОРТАЛЫҒЫ

**HIGHER EDUCATION
DEVELOPMENT NATIONAL CENTER**

БАЙЛАНЫС



+7 7172 287526
+7 7172 287531




Астана қ.,
Қабанбай батыр д., 28



info.bologna@n-k.kz



www.enic-kazakhstan.edu.kz



ҚАЗАҚСТАНҒА КЕЛУ
БОЙЫНША

ЖАДЫНАМА

ШЕТЕЛДІК МАМАНДАР ҮШІН

Қазақстан Республикасының ЖОО-да еңбек қызметін жүзеге асыру үшін 5 ҚАДАМ

ҚАДАМ 1. ВИЗАНЫ АЛУ

ҚР ЖОО шақыруын рәсімдеу

Шақырушы тарап өтінішті ҚР ІІМ (ПД Көші-қон қызметі басқармасы) / ҚР СІМ-не сапардың мақсаты (жұмыс істеу, оқу, іскерлік) көрсетілетін нысан бойынша кестемен қоса қолдаухат ұсынады.) (<http://adilet.zan.kz/rus/docs/V1600014531>).

Қолдаухат виза алушының Қазақстан Республикасына болжамды келу күніне күнтізбелік 90 күннен ерте емес және 5 жұмыс күнінен кешіктірілмей беріледі.

Еңбек ету үшін ҚР БҒМ шетелдік маманды тарту туралы бұйрығы, еңбек шарты қосымша ұсынылады.

ЕАЭО азаматтары (Ресей, Қырғызстан, Беларусь, Армения) еңбек қызметін Қазақстан Республикасының аумағында еңбек шартының негізінде рұқсат алмай жүзеге асырады

(https://egov.kz/cms/kk/articles/employment_relations/workpermit).

Виза алу үшін ұсынылатын құжаттар:

1. Көлемі 3,5x4,5 сантиметр түрлі-түсті немесе қара-ақ фотосуреті бар виза алуға арналған визалық сауалнама;
2. ҚР шет елдердегі мекемелерінде виза ресімдеу кезінде ҚР ІІМ-де немесе ҚР СІМ-де тіркелген қолдаухаттың нөмірі және оны тіркеу күні (виза алушыға нөмірді және шақыруды беру күнін шақырушы тарап хабарлайды), немесе осы Қағидалардың 25-тармағында көзделген виза санаттарын алушылардың қолдаухаттары;

3. Жеке басты куәландыратын құжат;

4. Консулдық алым немесе мемлекеттік бажды төлегенін растайтын төлем құжатының түпнұсқасы.

ҚР ЖОО-да болу мақсатына байланысты визалардың санаттары:

- **Іскерлік сапарға арналған виза (В1).** В1 санатындағы бір мәртелі виза 90 күнге дейін, көп мәртелі В1 - 1 жылға дейін беріледі.
- **Еңбек қызметін жүзеге асыруға арналған виза (С3).** Бір мәртелі С3 визасы 90 күнге дейін, көп мәртелі С3 - 3 жылға дейін немесе рұқсаттың мерзіміне беріледі.

Консулдық алым

Бір мәртелі виза және оны ұзарту - 80 АҚШ доллары.

Көп мәртелі виза және оны ұзарту:

1 жыл - 200 АҚШ доллары; 2 жыл - 400 АҚШ доллары; 3 жыл - 600 доллар.

ҚАДАМ 2. ОРНАЛАСҚАН ЖЕРІ БОЙЫНША ТІРКЕЛУ

Шетелдік азаматтарды ішкі істер органдарында тіркеу ҚР-на 30 күнге дейінгі мерзімге келгендерге талап етілмейді.

Шетел азаматы 30 күннен артық болған жағдайда, ҚР ішкі істер органдарында уақытша тұруға рұқсат рәсімдеу керек (жұмысқа, оқуға келгендер).

Қабылдаушы тарап көші-қон қызметінің органдарына шетел азаматтары туралы олар келген күннен бастап үш жұмыс күні ішінде хабарлауға міндетті

(<http://adilet.zan.kz/kaz/docs/P1200000148>).

Бұл қызмет ҚР визалық-көші-қон порталында (<https://www.vmp.gov.kz/kk/services>) электрондық форматта қол жетімді, онда шақырушы тарап (жеке немесе заңды тұлға), егер электрондық цифрлық қолтаңба болса, Интернет арқылы көші-қон қызметін шетелдік азаматтың болуы туралы хабардар ете алады.

ҚАДАМ 3. ЖЕКЕ СӘЙКЕСТЕНДІРУ НОМЕРІН (ЖСН) АЛУ

ҚР көздерінен табыс алатын шетел азаматы салық салу мақсатында орналасқан жері бойынша мемлекеттік кірістер органына келу тәртібінде хабарласу арқылы ЖСН алуы қажет (<http://kgd.gov.kz/kk/app/interview-web/interview/2>).

Табыс пен капиталға салынатын салықтарға қатысты қосарланған салық салуды болдырмау және салық төлеуден жалтаруға жол бермеу туралы ҚР шет мемлекеттермен жасаған 54 конвенциясы бар.

ҚАДАМ 4. БАНКТІК ШОТ АШУ

ҚР шетел азаматтары ағымдағы шотын ашу үшін банкке келесілерді ұсынады (<http://adilet.zan.kz/kaz/docs/V1600014422>):

- жеке басын куәландыратын құжат
- ЖСН

ҚАДАМ 5. САЛЫҚ САЛУ

Шетел азаматы ҚР жұмыстарды орындаудан, қызметтер көрсетуден алынған көздерден алынатын табыстан 20% салық төлейді.

(<http://adilet.zan.kz/kaz/docs/K1700000120>).